

Hylli i Dritës

Ubi Spiritus Domini, ibi libertas.


(II. ad Cor. III. 17).

1. Diktaturë e pashpirt	Faq. 105
2. Të pertrëmt e rregullimit shoqner	„ 111
3. Lahuta e Malsis — <i>Tringa</i>	„ 116
4. Per Historin e Alfabetit Shqyp	„ 140
5. Mikroorganizmet patogone	„ 147
6. Tuj kujtue mozaikun e Shë Sofis së Stamollës	„ 153
7. Urti e burrni nder banore të Cemit	„ 155
8. Bibljoteka e „Hyllit“	„ 160
9. Quo Vadis...? — Pj. II. — 5	„ 33

SHKODER
Shtypshkroja Françeskane
1934.



U falemi nderës me zëmer
njatyne shumë pajtimtarve, qi bujarisht
u ndreqen me administratë t' onë!

 Njatyne pak tjerve, qi as mârre
vesht nuk janë aspak me né, nuk kemi
shka u thomi tjeter veç:

lezoni rishtas shka patem shkrue
shi në ket faqe mojin e kaluem!

DIKTATURË E PASHPIRT.

Qe se na erdh dita edhe né shqyptarvet, pakë a shum, të marrim pjesë në jeten e perbotshme, por si komb e porsishtet; si nuk mund të rrijm dorjashtë nder tagre e detyrë nderkombtare, ashtû të mirat e ditunís e të kulturës së pergjithtë, me tana vuetjtjet e nierzimit, kû drejt per së drejti, kû terthoras, bredhin edhe në jeten shqyptare, me rrjedhimet e mira a të dobta, qi natyrisht bijn me veti.

Per të gjitha kto arrsyje, jo vetun, se kemi të drejtë t' a thomi fjalen e gjykimin t' onë mbî sá çashtje, qi, porsishpata e Damoklit, i rrin nierzimit pezull mbi krye, por edhe e kemi me detyrë t' i studjojm sá mâ themelisht nejet e jetës nierzore, qi — sá kû të na mrrije kerçiku — mund të bâhemi bashpurtorë per letsimin e vshtirsivet, per shkak të të cilla- vet, nierzimi, sod po rropatet si i mbytuni neper shkumë, per m'u kapë në breg të sigurimit.

Çashtja e pares e e pronimit, pa farë dyshimit, âsht një problem, në mos i parë, nder të parët, por aq i kapert- thyem, sá koxho midi nierz, menduesa e prîsa të nierzimit sod nuk po mund i apin dum.

Që me luftë botnore e sod, kjenë bâ projekte, sajue mâ se një teorí, e zhvillimin praktik të ktij lamshit të ngatruem, nierzimi i dishruem, e pret me krahë hapët.

* * *

Parja shpon detin, thojshin të parët t' onë, per me tregue se sá fort ká dorë në tanë jeten e nierit parja, ky mjet aq i fuqishem, qi porsi njajë kali pá frê, turrshem matet m'u ngrehë mbi sá dihome (aspiracjone) të nierit sado të mdhá e të nalta.

